



## **Kattusseqatigiit Partiiat**

Tlf. 299 34 61 11 / 34 62 52 - fax 299 32 62 35  
Postboks 74, 3952 Ilulissat - tlf./ fax 299 94 47 53

**Anthon Frederiksen**

**Ulloq 16. februar 2007**

Inatsisartut Suleriaasianni § 36, imm. 1 innersuussutigalugu Naalackersuisunut allakkatigut akisas-sanngorlugu apeqqut imaattoq matumuuna saqqummiuppara:

### **Naalackersuisunut apeqqut:**

- 1) Suna imaluunniit suut pissutaappat; Danmark-imi kalaallit napparsimasut sivisunerusumik Danmark-imi peqqissartariaqartartut, siusinaartumik sulisinnaajunnaarnersiutaat, qaammatit pingasut qaangiukkaangata, napparsimasup sulisinnaajunnaarnersiutai %-imik aalajangersimasumik ilanngartorneqartarsimammata?
- 2) Nappaammik pissuteqartumik allamilluunniit ajoquserneq pissutigalugu, siusinaartumik sulisinnaajunnaarnersiuteqalersimasut, ukiut utoqqalinersiuteqarfiusussat anguneqaraangata, siusinaartumik utoqqalinersiuteqalersimasut, utoqqalinersiuteqalernerup saniatigut, sullinneqarnikkut qanoq periarfissaqartinneqarpat ?
- 3) Apeqqummi nr. 2-imi inuit pineqartut, ukiut utoqqalinersiuteqarfiusussat anguneqaraangata, sooq inuit taakku siusinaartumik utoqqalinersiutillit pisortaniit isigineqarunnaartarpat ? tassami inuit taakku ukiut utoqqalinersiuteqarfiusussat angungaangamikkit, peqqinnerulertutut imaluunniit akornutaarututut inissinneq ajormata.
- 4) Napparsimasut sivisuumik Danmark-imi katsorsartittariaqartut eqqarsaatigalugit, taakkununga ilaqutaannullu inissiat maannakkut sisamaasut ilaneqarsarsinnaannerat Naalackersuisut qanoq isumaqarfigaat ?

Inatsisartunut ilaasortaq, Anthon Frederiksen, Kattusseqatigiit partiiat.

### **Tunngavilersuut:**

Apeqqummut siullermut tunngatillugu tunngavilersuut: Rigshospital-imi peqqissartut ilaata aamma sivisuumik maannamut Danmark-imeereertut, nunatsinnilu katsorsarneqarsinnaanngitsumik nappaatillip saaffiginninnera apeqqummut tunngaviuvoq. Taassuma nappaammik erloqissuteqareeqisup aammalu aningaasatigut atungarissaanngereeqisup, tassa siusinaartumik sulisinnaajunnaarsiu-taannarnik isumalluuteqarnini aammalu napparsimanini pissutigalugit allamik aningaasarsiorfe-qanngitsup – qaammatini pingasuni Danmark-imi katsorsartereernermini, siusinaartumik pisartaga-mininnguami ilaanik ilanngartuunneqalernini assorujussuaq inuttut nakkaatigisimangaa malunnar-poq. Taamaattumik pissutsit taamaattut napparsimasunut qiimmaallaataanngilluinnartut atuutsik-kunnaarnissaat assut napparsimasup kissaatingaa aamma napparsimasut allat eqqarsaatigalugit.

Apeqqut 2-mut – 3-mullu tunngatillugu siusinaartumik sulisinnaajunnaarnersiutillit utoqqalinerup saniatigut nappaammik allamilluunniit akornuteqalersimaneq pissutigalugu, pisinnaasaasa annikil-

lingaluttuinnarnertik pissutigalugu, utoqqalinersiuteqalernerup saniatigut immikkut ikiorneqarnis-samik pisariaqartitamik ingerlatiinnarneqarsinnaanertik qanoq ilillugu qulakkeerneqassanersoq paa-serusuppaat.

Apeqqutit sisamaannut – sivisuumik Danmark-imiittariaqartut aammalu qaniginerpaasaminnik pisa-riaqartitsisut illua-tungaanullu – amerlanertigut ilaqutaasunut aningaasaqarniarnikkut assorujussuaq kingunipiluttartooq ilisimaneqarpoq, tassami ilaqutariit taamatut nalaanneqartut aningaasarsiornerat suliffeqarnerannullu tunngasut assut ajorseriartarmata, tassami ilaasa allaat suliffitik annaasariaqar-tarpaat. Ilaqutaasullu Danmark-imiinnerminni inigisamut nerisassanut akiliuteqartariaqartarput. Ilisimaneqartutullu Brønshøj-imi napparsimasunut inissiisarfik najunga qarfigissagaanni aningaasar-passuarnik atuiffiusarpoq, taamaattumik inissiat taassuma avataaniittut maannakkut sisamat atorne-qartut amerlineqarsinnaanerat ujartorneqarpoq, taamaaliornikkut aamma akikinnerusumik ilaqutaasut najunga qartinneqarsinnaanerat qulakkeerumallugu.